

書名 群書考索後集殘二十一卷
 撰者 宋 章如愚 撰
 卷 卷十二
 內容分類 子-類書 彙考-宋
 索書號 大木-總類-志書-通代-33
 編號 C5930600

卷十二

群書考索卷之一

官制門

官數類

山堂先生章俊嫻編輯
 建陽知縣區玉刊行



後集

唐官通典云唐官數闕尚書云建官准百鄭玄云虞官六十唐官未聞兼併同道或皆六十并屬官而言則皆有百

虞官明堂位曰有虞氏五十鄭云六十

夏官明堂位曰夏官尚書云夏商官倍則當二百矣而鄭云百二十

商官明堂位曰商官二百而鄭云二百四十合依鄭說

周內官萬三千六百七十五人內二千六百四十三人外諸侯國官六萬一千三十二人

秦制等以賞功勞

漢吏更至丞相凡十三萬二百八十五人哀帝時官數兼諸侯州郡胥吏

後漢武官七千五百六十七人內一千五百一十二人外都計內

彩色首頁

東洋文化研究所漢籍目錄 編號: C5930600

東洋文化研究所漢籍目錄所藏漢籍善本文影像資料庫 索書號: 大木-總類-志書-通代-33

漢籍善本文影像資料庫 群書考索後集殘二十一卷

版權所有: 東京大學 東洋文化研究所

使用上的注意事項

儲則置否則闕仁宗神宗欽宗升儲皆置二人並他官兼起云乾道置
二人惟除左不除右會宗

侍講侍讀

唐太宗為晉王府有侍講及為太子亦置焉其後或置或不開元初十
王宅引辭學士書者入教亦為侍讀職而無侍講聖朝始置焉

左右春坊

東宮之務歷代以中庶子領之。北齊有門下坊庶子領之與書坊庶
子領之。隋門下坊置左庶子典書坊置右庶子。唐龍朔中改門下
坊曰左春坊左庶子中允司議即左諭德左贊善大夫崇文館學士校
書即洗馬文學校書正字等隸焉與書坊曰右春坊右庶子中舍人大
子舍人右諭德右贊善大夫太子通事舍人家令率更令等隸焉。宋
建儲開即置仁宗神宗升儲並以內臣為左右春坊勾當左右春坊事
。中興不置為不立東宗乾道元年立皇太子置左右春坊二員同
左右春坊二員會

群書考索後集卷十一

群書考索卷十二

別集

山堂先生章俊卿編輯

建陽知縣區玉刊行

元峯蕭泗校正

。官制門

東宮官

三師三少

三師三少三王教世子立太傅少傅以養之太傅在前入則有保出則
有師世王。周成王幼在襁褓太公為太師禮。西漢有太子太傅

少傅。屬官有太子門大夫庶子洗馬舍人。後漢太傅禮如初不領

官屬少傅悉主太子官屬。魏太傅於太子不稱臣少傅稱臣。晉咸

寧中備六傅之職三少。東晉置保傅而無二師景帝諱師。唐三師

三少官不必備惟其人無其人則闕之紛。宋朝師傅不常設仁宗升

儲置三少各一人丁謂兼少師馮拯兼少傅曹利用兼少保是特實為

東宮官餘多以前宰執為致仕官若太子太師太傅太保以待宰相官
未至傑射者及樞密使致仕亦隨本官高下除授太子少師少傅少保
以待前執政其少師非經顛命不除若本官至尚書即除少傅丞郎給
諫只除少保若因遷轉即進一官至太師即遷司空矣官制。繼照
堂。在開封府東真宗尹京日射堂大中祥符二年臨幸賜名會。資
善堂。在元符觀南大中祥符八年置仁宗律學之所天禧四年徙御
厨以北會。慶寧堂。英宗潛邸有閣藏御覽經籍會。睿成宮。
元祐元年閏二月二十二日詔神宗皇帝所居東宮改為睿成宮會
。龍德宮。元符三年二月二十四日詔懿親宅潛邸賜名龍德宮是
為徽宗舊邸會

王府官

講書

宋朝太平興國四年置翊善一人給以常參官充續會

贊讀

唐開成元年宰相李石奏太子有侍讀諸王亦有侍讀無降殺之禮宜
改奉諸王講讀。宋朝英宗治平元年諸王府置侍讀二人臨畧以為
中始置侍讀侍讀。徽宗政和七年張大亨奏切見講讀之官在天子
真此不同當考之。謂之侍講侍讀而在諸王府者亦有侍讀官號此擬稱謂相察詔諸王
府侍讀改為贊讀侍講改為直講

直講

宋朝太平興國四年別置侍講以常參官充政和七年詔改侍讀為直
講詳見

記室

宋自明帝以後皇子皇弟雖非都督亦置記室參軍。梁陳王府皆有
。隋皇伯叔昆弟皇子是為親王府置記室參軍。唐因之六典。後
唐長興四年以前襄州觀察支使魚崇遠為秦王府記室參軍事。宋
朝太平興國中置政和中以參軍行軍之際所稱詔除去參軍字

小教授

宋太宗至道元年以員外郎孫贍充皇姪皇孫教授從新號也時平書

文宗朝李石奏太子有侍讀諸王亦有侍讀無降殺之禮請

宗咸平元年以朱昂兼南宅教授張蔚兼北宅教授嘉祐以來置諸宮

教授立講書課試規罰之法此事見紹興五年錢英宗治平元年教

授更不兼官以兩處供職有所廢闕會時宗室本支之盛自率府副率

以上八百餘人而教授之官六員而已因詔增置教授官凡皇族年三

十以上者百三十人置講書四員年十五以上者三百九人增置教授

五員年十四以下者別置小學教授十二員并舊六員為二十七員以

分教之大學京朝官充小學選人充四年詔今後諸宮院大小學教授

一有闕令國子監與學士院舍人院輪舉熙寧元年小學教授亦論京朝

官元祐三年詔諸宮學教授闕選所舉學官及可為師表可備講讀科

不足則三省選陞朝官有出身年四十以上者充崇寧三年睦親宅及

北宅廣親宅各大學小學教授一員廣親北睦親西及周王宮大學兼

領小學各二員大小學熟領始于此

登聞檢院

宋文帝元嘉九年魏主詔闕左懸登聞鼓以避寃人唐大曆十四

年詔天下電滯於朝堂受詞推決尚未盡者聽搗登聞鼓上宋朝雍

熙元年改駑為檢。東延恩曰崇仁帝招諫曰思諫西中寃曰申明北

通玄曰招賢。七月改駑院為登聞仍依舊諫官一員判院會景德

四年改為登聞檢院命樞密直學士張諫判仍差內品監門不得監預

公事諫議大夫掌受文武官及士民章奏表疏凡言朝政得失公私

利害軍期機密陳乞恩賞理雪寃濫及奇方異術皆受以通達凡進狀

者先鼓院若為所抑則詣檢院。外有理檢使今不置始於淳化三年

置理檢院於乾元門之西北廊以知制誥錢若水領之復唐制也至道

三年廢天聖七年上因讀唐史見駑函達下民寃枉之事乃謂左右曰

天下九州之大豈無寃枉之人若至京師檢院鼓院理雪院必是州縣

官吏提點刑獄轉運使不能理雪又若不為申理則赤子無告矣乃置

甄選仍專命御史中丞為理檢使以分紀會要備。中興之初因舊制置局于闕門之前。舊在宣德門外仗隸門下省。建炎三年專隸諫院。中興會要

登聞鼓院

國初曰鼓司以內臣掌之鼓在宣德門南街西廊至道三年命太子中舍王濟勾當鼓司用朝臣勾當自此始。鼓司舊止內品許懷遠與致直程峻二員勾當至是省峻而命濟始用朝臣也。會要景德四年詔改為登聞鼓院命知制誥周起直史館同判。初差內品監門不得關領公事。會要掌諸上封受而進之以達萬人之情。會要隸司諫正言。續會要文武臣僚閣門無例通達文字者並先經登聞鼓院進狀未經鼓院者檢院不得收接。續會要建炎元年因舊制置局于闕門之前。高宗即位於南京召李綱為宰相綱奏曰人主莫大於兼聽張視使下情得以上通故舜明四目達四聰而天下治今艱難之際四方休戚利害日欲上聞而士民之願効其智慮者尤多陛下即大位已踰月而檢鼓院猶未置

恐非所以通下情而急先務也遂置登聞鼓院於行在便門外。續會要三年專隸諫院

進奏院

唐藩鎮皆置邸京師以大將主之謂之上都留後。大曆十二年改為上都知進奏院官。五代以來支郡不隸藩鎮補人為考聽自置邸隸藩鎮者兼掌焉。宋初緣舊制皆本州鎮補人為進奏官其軍監場務轉運司則差知後官或副知掌之。遂州就京師各置進奏院。會要太平興國八年諸州罷知後之名簡知後官得李楚等百五十人並充進奏官命供奉官張文瓘提轄諸道進奏院。周編題監官以京朝官及三班使臣充掌受詔勅及諸司符牒辨其州府軍監以頒下之並受天下章奏案牘狀牒以奏御及分受諸司。續會要中興以來隸門下後省給事中點檢乾道九年依舊隸後省合傳報事今後省錄付報行。中興會要又題名云宋興蓋罷節度使權太平興國中因何保樞請以鈐轄諸道扁院額而摹印章率用名流。

糧料院

宋初承舊制以三司大將軍為都糧料使自開寶六年以著作佐郎陸光範充在京都糧料院使改用京官自此始太平興國五年分糧料諸司馬軍步軍為三院八年以馬步軍合為一院雍熙四年命供奉官陳處誨勾當諸司糧料供奉官曾祚勾當馬步軍糧料自後復分馬步軍為兩院或以諸司使副分主之端拱二年復以京朝官主之並宋朝元豐未併馬軍步軍為諸軍與諸司為二院中興以來行在須廩祿凡文武百官諸司諸軍俸料以券準給四朝諸軍諸司糧料院鎮江建康有分差諸軍糧料院鄂州有分差戶部糧料院四川總所有分差戶部魚關糧料院分差利州戶部糧料院並中

宗會

審計院

宋初以三司使總邦計司各有院以乘中外泉穀出入之政蓋會計之府也然業積叢委典者不能備察而奸容焉淳化三年始用戶部使樊

知古奏剔其冗籍復別為院置官顯領之以聽稍食之要二置院之初特掌騎兵徒兵給受之數猶未及諸司也元豐三年合步騎兩院為一遂以其一主諸司自宮禁朝廷下至斗食佐史凡賦祿者以式法審其名數而稽其辭名者唯郊賜給已乃審祿有疑予則詔以法凡四方之計籍上丁大農則道其會凡有司議調度會賦出則錄焉設員二曰左右聽分案六史八人舊為諸軍諸司專勾司建炎元年避高宗御諱改諸軍諸司審計司

官誥院

宋初於右掖門置院四司誥身案並集于此以備中書除改本司郎官公主其事淳化五年始專置官司於省內凡官誥各以本司誥身印印之文臣用吏部武臣用兵部王公命婦用司封加勳用司勳掌文武官將校誥身及封贈以朝官一人主判知制誥一人提舉會元豐五年奉行官制文武官誥身屬吏部審官屬兵部封贈及內外命婦等誥身屬司封加勳并將校等屬司勳官誥院四部誥身案及吏人隨事隸本部

七年并司封司勳誥身案入吏部預書庫收掌崇寧四年吏部專置造
官誥局尋罷大觀復置尋改為官誥院仍隸左右司三年復罷歸吏部
政和三年依舊置官誥院差官一員主管少府監鑄印記以吏部製造
誥身業記為文中興以來因仍不改

四轄

權貨務都茶場

權貨務掌折博斛斗金帛之屬四朝以朝官諸司使副內侍二人監太
平興國中以先平嶺南及交趾諸國入貢通關市議於京師置權易院
大中祥符中併入權貨務會建炎中興又創都茶場給賣茶引隨行在
所於權貨務置場雖分兩司而提轄監官並通衙管幹。建炎四年詔
權貨務都茶場依舊隸左右司其提領措置並罷其都茶場仍令提轄
權貨務官兼行提轄。尋徙越州一務場於建康又併真州一務場歸
建康紹興五年詔建康鎮江兩務場只是給賣銀引三十二年詔三
今後選差文臣充監官更不差武臣乾道六年詔依舊通差武臣會要

會要先是課入不立額惟視舊歲為等差是歲始分有定數歲總為
錢二百四十萬萬行都受藏之所為數八十萬萬于建康者一百二十
萬萬于鎮江者四十萬萬名題

雜買務雜貨具場

雜買務舊曰市賣司太平興國四年改至道中廢咸平中復置以京朝
及三班內侍三人監掌和市百物凡宮禁官物所需以時供納雜賣務
景德四年置掌受內外幣餘之物計直以待出貨或準折支用以內侍
及三班二人監後亦差文武朝官以四朝志紹興六年詔雜買務雜賣
場置提轄官一員會要

左藏庫

掌受四方財賦之入以待邦國之經費其原蓋起於周職內主賦入職
歲主賦出而邦布之入出則外府又主之皆其職也。置始置左右藏
令。唐於左右藏分東西庫以太府少卿知出納於左長慶門之東。
宋初左藏止一庫置使領焉題太平興國二年分為二庫淳化三年分

置左右藏各一庫四年廢右併入左政和六年備建新庫以東西庫為
以會要續中興因仍東西庫各以文臣監武臣同監其東幣帛絕紳
名會要之屬在焉其西金銀泉券絲纒之屬在焉紹興二十七年詔戶部於轄
下丞簿內選一員兼充左藏庫提轄官此提轄所由始孝宗即位詔將
御前橋管激賞庫撥歸左藏庫以左藏南庫為名專一橋管應副軍期
支遣於是東西南三庫以中興會要尋罷南庫大抵國家用度多靡
於瞻兵四蜀湖廣江淮之賦類歸四總領所以餉諸屯其送京者殆亡
幾唯閩浙悉輸焉東西庫歲入以端計者率百四十萬以緡計者率十二
千萬給遣稱是而大軍居十之七官禁百司祿賜裁三之間有非泛浩
繁之費則請于朝往往出內帑封樞以補所缺監官凡五人分帑而治
舊以京朝官為之今唯才是用故四選通得入額

文思院

太平興國三年置掌造金銀犀玉土巧之物金彩繪素裝鈿之飾以供
輿輦冊寶法物及凡器服之用建隆府監熙寧三年詔文思院兩界監

饌饗餼宰相近臣禁衛將校節儀諸州進奉使則物回詔之事

引進使四方館使

唐四方館以通事舍人判錄中書省石晉始有為卿監專判館者。宋
朝初以檢校官判館淳熙四年改置使名掌文武官正謝辭國忌賜香
諸道月旦正至章表郊祀朝番官貢舉人進奉使京官致仕官道釋父
老陪位之事會要

東上閣門使西上閣門使

凡取稟旨命供奉乘輿朝會游宴及贊導三公群臣蕃國朝見辭謝糾
彈失儀之事使副專之舍人以下但通班贊唱而已會要。其供職于內
者多用國戚世族號為華要禮均侍從政和官制橫班使副之名既改
為大夫而其職任則命內外官知焉職其後所除總名知名門事仍兼
客省四方館之職焉紹興三年詔客省四方館並隸臺察。先是御史
臺六察所隸官司有因一時申明免隸臺察去處至是殿中侍御史常
同乞依舊制施行所貴百司廢務有所按察不敢違矣故也中興會要。四

年詔依祖宗舊制隸中書省不隸臺察中典會要。五年詔右武大夫以上並稱知閣門事兼客省四方館事若官未至右武大夫者即稱同知同兼序在知閣門之下同

同知閣門事

宋朝東西上閣門副使雖無定員然選任不及踈遠而所置常少於正使之數政和官制以左武右武即易二閣副使而閣門事乃命橫行知焉則同知之職乃昔時之所謂副使也職畧

閣門宣贊舍人

故事閣門無通事舍人而通事舍人沿夫唐制自隸中書省如抽赴閣門並稱閣門祇候其後直授閣門通事舍人非舊制也天禧中閣門二字政和六年改為宣贊舍人

政和六年御筆閣門通事舍人名稱鄙俗可改為宣贊舍人詔旨

閣門祇候

國朝舊以閣門通事舍人閣門祇候二等謂之閣職蓋武臣之清選也

閣門通事舍人閣門祇候二等比館職清流為進取之基非熟於朝儀不在此選又有看班祇候以命世家新進及擢閣門點檢使臣為之而點檢官乃知班使之長者二年無過遂改看班政和間改通事一作宣贊且不復選人才而濫處不知其數人不以為貴也官制舊典舊止三五員

天禧初上與輔臣語及減吏員向敏中曰太祖太宗朝閣門祇候不過三五員宣導贊謁而已今踰數百而除授未已上曰此蓋相承為例當漸省之

熙寧四年閣門請擇武臣子弟六人前後每日祇應以閣門看班祇候為名候五年熟識儀數乃除閣門祇候

閣門舍人

乾道中孝宗初置慶元告詞云我朝重閣門之職乾道置舍人之員

帶御器械類

帶御器械

宋初以來嘗選三班以上武幹親信者佩橐鞬御劔或以內臣為之要會初是職止名御帶咸平元年改為帶御器械景祐二年詔自今無得過六人慶曆元年詔遇闕員以歷邊任有功者補之舊制外任帶御器械過闕朝見不宿衛熙寧六年向寶移真定府路總管過京師待命宿直並會中興因仍

四廂類

四廂漢曰天武四廂都指揮使
○龍神衛四廂都指揮使

捧日舊曰日騎天武舊曰控鶴宋朝太平興國二年詔改控鶴曰天武雍熙四年改殿前司日騎曰集日龍衛舊曰龍捷神衛舊曰虎捷太平興國二年詔改龍捷曰龍衛虎捷曰神衛皆以美名易禁軍之舊號也。上四軍殿前司捧日天武馬軍司龍衛步虎司神衛謂之上四軍各有左右廂廂各三軍東齊記事

環衛官類

環衛官家朝六軍諸衛有左右金吾衛上將軍

秦曰中尉。漢武改曰執金吾。隋曰候衛所領軍事名攸飛。唐龍朔改左右金吾衛正三品掌官中及禁城晝夜巡警之法以執禦非違漢官宰尹曰吾禦也常執金華以禦非常緹騎二百人輿馬道從充滿於路世祖歎曰仕官當依執金吾也

左右衛上將軍

晉武帝分中衛將軍為左右衛名大將軍一人銀章青綬。隋改置左右衛為左右翊衛。唐武德中更曰左右衛府龍朔中省府字

左右驍衛將軍

漢武以李廣為驍騎將軍後省之光武改屯騎為驍騎。晉文立晉臺以為宿衛官至隋煬帝時改左右備身為左右騎衛所領各豹騎。唐置驍騎府龍朔去府字光宅改左右武威神龍復舊

武舊衛上將軍

魏武為丞相有武衛營。隋探其名置左右武衛府有大將軍。唐光宅改左右鷹揚衛龍朔復舊

也衛上將軍

隋煬帝置左右屯衛。唐龍朔改為威衛光宅改為左右豹韜衛

領軍衛上將軍

魏武為丞相始置中領軍魏文又置領軍。晉因之品第三金章紫綬

宋齊領軍掌內禁兵。唐別置領軍衛大將軍龍朔威衛咸亨復舊

監門衛上將軍

漢魏以來城門校尉之職也。隋置左右監門府將軍煬帝改府字為

衛。唐置大將軍龍朔改為監衛

千牛衛上將軍

後魏有千牛衛備身本掌乘輿御刀蓋取庖丁為惠文君解數十牛而

刃若發矧此刀可以備身因以名官。隋左右府領千牛備身。唐改

為左右千牛府龍朔改為奉宸衛神龍改為千牛衛。諸衛大將軍諸

衛將軍並為環衛官無定員皆命宗室為之乃武臣之贈典大將軍以

下又為武臣責降散官政和中改武臣官制而環衛如故蓋雖有四

入階別無所領故也。四朝志靖康元年用御史中丞陳過庭言請遵魏祖

開寶初罷諸節度使歸環衛故事於是節度使錢景臻等並為左右金

吾衛上將軍。四朝志又崇寧四年仿古備立三衛官有郎一員中郎為之

二文武各一員博士二主簿一親衛府有郎有中郎以后妃嬪御之家

有服親及翰林學士并管庫正任觀察使以上子孫充勳衛府有郎有

中郎以勳臣之世賢德之後有服親太中大夫以上及正任團練使選

鄂觀察使以上子孫充翊衛府有郎有中郎以鄉監正任刺史選郡團

練使以上並以親兄弟子孫試充三衛即治其府之事率屬日直于殿

陛長在左立起居郎之前二分左右文東武西立都承旨之後親衛立

於殿上勳衛立於梁殿翊衛立於兩階衛士之前中興久不除授孝宗

隆興詔學士院討論環衛官制度欲參酌祖宗時及唐太宗制度

詔曰朕惟祖宗選用將帥以崇武節外建方鎮內列環尹品式備具

近來環衛久不除授非所以儲財而均任也可依舊制應以才畧聞

堪任將帥及久勤軍事暫歸休佚之人並為環衛官更不換授並令

兼領

如節度使則領左右金吾衛上將軍承宣使則領左右衛上將軍在內則兼帶在外則不帶以十員為額朝參侍殿並依御帶體例宗室不在此制仍不差戚里及非戰功人除改差主兵官合不領環衛如皇城司帶御器械之類仍許兼領

群書考索卷十二

後集

群書考索卷十三

後集

山堂先生章俊如編
建陽知縣區玉刊行

官制門

監司類

唐虞建官內有百揆四嶽外有州牧侯伯王者之時五國以為屬屬有長十國以為連連有帥三十國以為卒卒有正二百一十國以為州州有伯。秦罷封建而郡縣置御史以監諸郡。漢興省之惠帝遣御史監三輔郡察事凡九條其後諸州復置監察御史文帝以御史不奉法乃遣丞相史出刺并督察武帝元封五年初置部刺史掌奉詔條察州以六條問事秩六百石。十二州員十二人。吾部九歲舉為守相成帝以為刺史位下大夫而臨二千石輕重不相準乃更為州牧秩貢二千石位次九卿哀帝復為刺史元壽復牧。王尊為臨州刺史馳九折